

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-1123-4/20

Datum: 04-05-2020

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 69. stav 1. tačka a), a u vezi sa članom 70. stav 1. i 3. Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-2625/19 od 13.05.2019. godine i Rješenjem broj: 02/5-1-14-4-2625-1 od 30.08.2019. godine, u postupku javne nabavke hrane za odrasle službene pse, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

**ODLUKU O IZBORU NAJPOVOLJNIJEG PONUĐAČA
I DODJELI OKVIRNOG SPORAZUMA**

I

Prihvata se preporuka Komisije za sukcesivne javne nabavke i okvirni sporazum za javnu nabavku hrane za odrasle službene pse Uprave policije Ministarstva unutrašnjih poslova Kantona Sarajevo dodjeljuje se ponuđaču:

- Inter - com d.o.o. Zenica za ponuđenu cijenu od 18.000,00 KM bez PDV-a.

II

Postupkom javne nabavke predviđeno je potpisivanje Okvirnog sporazuma na period od 1 (jedne) godine. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

III

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču Inter - com d.o.o. Zenica po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

IV

Izabrani ponuđači dužni su da u roku od 5 (pet) dana od dana prijema ove odluke dostave dokumente navedene u tačkama 15. i 16.2. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-1123/20 od 04.03.2020. godine, Obavještenja o nabavci broj: 16475-1-1-29-3-32/20 od 05.03.2020. godine i Ispravke obavještenja o nabavci broj: 16475-1-1-29-

8-33/20 od 24.03.2020. godine, proveden je otvoreni postupak javne nabavke hrane za odrasle službene pse za potrebe Uprave policije Ministarstva unutrašnjih poslova Kantona Sarajevo uz primjenu e-aukcije, s namjerom zaključivanja okvirnog sporazuma na period od 12 mjeseci.

Prema Zapisniku sa otvaranja ponuda, broj: 02-11-4-1123/20 od 30.03.2020. godine, za aktivno učešće u postupku dostavljene su ponude ponuđača: Inter-com d.o.o. Zenica i Agrinatura d.o.o. Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-1123-3/19 od 29.04.2020. godine, kojim je utvrdila sljedeće:

- da ponuda ponuđača Agrinatura d.o.o. Sarajevo nije prihvatljiva. Naime, tačkom 16.2. ekonomsko-finansijske sposobnosti (član 47. Zakona) na strani 6. tenderske dokumentacije, kao uslov tražen je „izvještaj o svim računima koje ima privredni subjekat izdat od strane Centralne banke BiH i potvrda da račun, koji je označen kao glavni račun ponuđača, nije bio blokiran u zadnjih šest mjeseci, izdat od strane banke“. U tom kontekstu ponuđač Agrinatura d.o.o. Sarajevo na strani 38. ponude dostavio je potvrdu o solventnosti banke, u kojoj nije naznačeno da se radi o glavnom računu. Takođe, u izvještaju Centralne banke BiH, koji je dostavljen u ponudi na strani 37., račun za koji je dostavljena potvrda nije označen slovom G – glavni, već slovom R – kao račun za redovno poslovanje. U izvještaju Centralne banke BiH naznačeno je da „Glavni račun nije registrovan u Jedinstvenom registru računa“ za ovog ponuđača. Naprijed navedenim nisu ispoštovani uslovi traženi tenderskom dokumentacijom, a u skladu sa članom 47. Zakona o javnim nabavkama.


U Izvještaju o ispitivanju hrane broj: 64/20 od 23.03.2020. godine koji je priložen na strani 28. predmetne ponude se vidi da procenat vlakana i proteina u ponuđenoj hrani ponuđača Agrinatura d.o.o. Sarajevo ne zadovoljava traženu tenderskom dokumentacijom. Naime, u tenderskoj dokumentaciji u Obrascu za cijenu ponude (Aneks III) postavljene su referentne vrijednosti koje hrana mora zadovoljiti. Pa tako su tražena vlakna u maksimalnom iznosu od 5%, iz Izvještaja dostavljenog u ponudi vidljivo je da je zastupljenost vlakana ponuđene hrane 7,35%, te traženi proteini u maksimalnom iznosu od 30%, iz Izvještaja dostavljenog u ponudi vidljivo je da je zastupljenost proteina 30,88%, što ne zadovoljava uslove TD.

Ponuda ponuđača Inter – com d.o.o. Zenica sadrži sve elemente tražene tenderskom dokumentacijom, odnosno ispunjava sve formalno-pravne, ekonomske i tehničke uslove i shodno utvrđenom kriterijumu „najniža cijena“ ispunjava sve zahtjeve ugovornog organa.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispijelih ponuda u skladu sa kriterijima iz tenderske dokumentacije.

Cijeneći naprijed navedeno, a u skladu sa članom 69. stav 1. tačka a) Zakona o javnim nabavkama („Službeni glasnik BiH“, broj: 39/14), članom 3. stav 3. Pravilnika o uslovima i načinu korištenja e-aukcije („Službeni glasnik BiH“, broj: 66/16), te Zapisnika o pregledu i ocjeni ponuda riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. stav 1. tačka d) Zakona o javnim nabavkama BiH („Službeni glasnik BiH“ broj: 39/14).



POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za sukcesivne nabavke
2. Ponuđačima x2
3. Odjeljenju za odnose s javnošću, radi objave na web stranici ovog organa
4. a/a